

《聖無能勝金剛火陀羅尼經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1236

No. 1236

聖無能勝金剛火陀羅尼經

西天譯經三藏朝散大夫試鴻臚少卿傳教大師臣法天奉 詔譯

如是我聞。一時佛在妙高山寶峯樓閣之中。以種種金寶而用莊嚴。出無數光周匝照曜於諸山巖。復有栴檀沈水塗香株香種種名花。及諸寶蓋鈴譯如是嚴飾

爾時有天龍夜叉阿修羅乾闥婆迦樓羅緊那羅摩睺羅伽。及持明仙部多頻那夜迦毘舍左有形無形末怛里眾等。來集會坐可遍五百由旬

復有菩薩摩訶薩七千五百人。苾芻眾一萬二千五百人。俱來會坐而為聽法

爾時會中天龍夜叉阿修羅乾闥婆迦樓羅緊那羅摩睺羅伽。及持明仙眾部多頻那夜迦毘舍左。有形無形末怛里眾等。高聲唱言苦哉苦哉。時釋迦牟尼如來應正等覺而復問言。汝等云何高聲唱言怖畏苦惱。彼眾等白言。世尊我被大力聖者恐怖降伏而今來此。唯願慈悲特垂救護。世尊告言。今此一切最上廣大曼拏羅中。有菩薩摩訶薩得大地補處。當紹灌頂法王之位。而能覺悟善惡諸業。當為安慰汝之心意說是語已剎那之間有菩薩摩訶薩名金剛手。如金剛山放金色光普照世界。頂戴寶冠面如滿月。手執金剛棒金剛櫛金剛羈索。具大福力能破諸惡。領五千金剛族而為眷屬。其名曰金剛難拏大將。金剛囉日囉讖囉婆大將。金剛囉日囉計都大將。金剛囉日囉囉婆娑大將。金剛囉囉囉日囉大將。金剛囉怛曩囉日囉大將。金剛玉咽也囉日囉大將。金剛作訖囉囉日囉大將。金剛摩訶囉日囉難拏主。金剛護世明王。及金剛魔金剛頻那夜迦。金剛曜童子金剛烏娑多羅迦金剛大惡等。俱來集會大曼拏羅中。放清淨光照曜一切。能令眾生心懷歡喜。時金剛手菩薩。偏袒右肩頂禮佛足。右遶三匝合掌住立

爾時世尊敕金剛手菩薩言。今此會中有天龍夜叉阿修羅及諸部多之類。高聲唱言怖畏苦惱。汝為安慰令彼快樂。於是金剛手菩薩即從座起。於天龍阿修羅等部多眾前入三摩地。名最上金剛器仗光明燈。發大神通令三千大千世界雷電閃電如大火焰。是諸眾生見是事已。即除苦惱怖。復有恒河沙數眾生。見是事已發清淨梵行持戒忍辱心。一切財寶施金剛手菩薩。皆願隨從聽受妙法。是時金剛手菩薩。即為天龍夜叉之眾。說四諦緣生三摩地門十波羅蜜。及本金剛族大曼拏羅儀則之法。所有梵王天大自在天。囉囉拏俱尸羅。摩囉多讖囉拏。那羅延天焰摩天帝釋天。而得成就者。阿修羅乾闥婆。而得成就者。乃至諸惡部多大羅叉等。難調伏者而能調伏。懷惡心者而發善心。懷邪見者而得正見。懷瞋恚者而起慈悲。懷愚暗者而能明了。先具強力者而失強力。先能隱身者而不能隱。他真言能自禁斷。自真言能求圓滿。住曼拏羅中覺悟調伏

。當如是等

爾時佛勅金剛手菩薩。汝為宣說無能勝金剛火大陀羅尼令彼受持。金剛手菩薩。即以此陀羅尼真實威德之力。放大光明照彼天人阿修羅等一切賢聖大會之眾。復以陀羅尼力故。而令日月星宿光明不現。大海湧沸妙高山王悉皆震動

爾時大光焰藏金寶峯中有金剛手童女。變化自身如大熾焰。即往虛空。至大力菩薩摩訶薩前。右繞三匝歸命頂禮。住立一面告彼眾曰。金剛手菩薩說如來三摩地心。汝等當宜各捨金剛器仗等。求此大陀羅尼法。時世界主大梵王天人阿修羅等。俱發聲言。如菩薩勅我今奉行。於是自在天捨三股叉。那羅延天捨輪。焰摩天捨杖。俱尾囉天捨棒。帝釋天捨金剛杵。摩嚕擎天捨羈索。天魔捨其障難。阿修羅捨其威力。摩嚕多捨其迷著。母鬼眾離於散亂。龍神眾離於恚毒。夜叉羅刹緊那羅毘舍左部多沒囉賀摩羅剝娑鳩槃茶等皆去威力。於菩薩前一心恭敬。金剛手即說陀羅尼曰

曩謨(引)囉怛曩(二合)怛囉(二合)夜(引)野曩摩室戰(二合)擎囉日囉(二合)播(引)擎曳(引)摩賀(引)藥乞叉(二合)細(引)曩(引)鉢哆曳(引)怛爾也(二合)他(引)怛他(引)識多三摩(引)地馱囉尼末(引)囉里多(二合)以瑟也(二合引)彌曇嚙囉日里(二合)俱胝羅俱胝播(引)囉迦俱羅尸契迦閉羅計尸怛致左致祖(引)致謨(引)吒爾迦里迦(二合)致母致囉致囉日里(二合引)尼禰愈(二合)路隸母俱母俱酥母婆囉娑普(二合)吒娑普(二合)吒娑普(二合)吒娑普(二合)吒烏爾愈(二合)帝(引)賓識隸左致尾左致入囉(二合)羅賓識隸薩里囉(二合)禰囉識擎鉢囉(二合)賀囉擎摩(引)野(引)悉地奈(引)以計酥嚙嚕(引)囉日羅(二合)具(引)尼(引)涅里(二合)荼娑囉鉢囉(二合)賀囉尼囉怛曩(二合)怛囉(二合)野(引)禰迦羅部帝(引)囉日羅(二合)馱囉尾濕囉(二合引)娑爾迦(引)鉢囉(二合)賀哆鉢囉(二合)摩里那(二合)爾娑囉(二合引)賀

若此陀羅尼有人聞已。一心讀誦憶念受持。是人得入一切世間出世間曼擎羅三昧。若人隨喜恭敬。是人不為禁呪諸毒及一切恐怖之所惱害

爾時佛勅金剛手菩薩說大陀羅尼時。欲色諸天一切天子。於空界中雨種種殊妙香花而用供養。復以微妙梵音歌詠讚歎。時大曼擎羅會一切聖賢苾芻眾等。并大菩薩摩訶薩。皆大歡喜信受奉行

聖無能勝金剛火陀羅尼經